

**ხელშეკრულება  
სახელმწიფო შესყიდვის შესახებ N97**

ქ. ბათუმი

10 აპრილი 2017 წ.

ერთის მხრივ ქ. ბათუმის მუნიციპალიტეტის მერია (შემდგომში – „შემსყიდველი“), წარმოდგენილი ქ. ბათუმის მუნიციპალიტეტის მერის მოადგილის ალექსანდრე მითაიშვილის სახით და მეორეს მხრივ ა(ა)იპ „აჭარის მასობრივი სპორტის ფედერაცია“ მისი ხელმძღვანელის ბადრი შამილადის სახით, (შემდგომში - „მიმწოდებელი“) (ელექტრონული ტენდერი - NAT170002257) ვდებთ წინამდებარე ხელშეკრულებას შემდეგზე:

**1. ხელშეკრულების საგანი**

**1.1.** წინამდებარე ხელშეკრულების საფუძველზე მიმწოდებელი თანახმაა განახორციელოს ქ. ბათუმში კალათბურთში ვ. ალთაბაევის თასზე საერთაშორისო ტურნირის ორგანიზება (CPV92600000-სპორტული მომსახურებები) შემდგომში - „მომსახურება“, ხოლო შემსყიდველი კისრულობს ვალდებულებას გადაიხადოს მისი ღირებულება ხელშეკრულებით დადგენილი წესით. (მომსახურების ჩამონათვალი მოცემულია დანართში, რომელიც ხელშეკრულების განუყოფელ ნაწილს წარმოადგენს).

**1.2.** მიმწოდებელი ასრულებს, ხოლო შემსყიდველი ღებულობს შესრულებულ მომსახურებას და ახდენს მისი ღირებულების ანაზღაურებას წინამდებარე ხელშეკრულების 2.3 პუნქტის შესაბამისად.

**1.3.** წინამდებარე ხელშეკრულება არეგულირებს ურთიერთობებს, რომელიც წარმოიშობა მხარეთა შორის.

**2. მომსახურების ღირებულება და ანგარიშწორების წესი**

**2.1.** ხელშეკრულების საერთო ღირებულება შეადგენს 20000,00 (ოცი ათასი) ლარს.

**2.2.** მომსახურების ღირებულებაში შედის საქართველოს კანონმდებლობით გათვალისწინებული ყველა გადასახადი, რომელთა გადახდაზე პასუხისმგებელია მიმწოდებელი.

**2.3.** ანგარიშსწორება მიმწოდებელთან განხორციელდება ფაქტიურად გაწეული მომსახურების მიხედვით, მიღება-ჩაბარების აქტის გაფორმებისა და დღგ-ს ანგარიშ-ფაქტურის წარმოდგენის შემდეგ 10 (ათი) სამუშაო დღის განმავლობაში;

**2.4.** მიმწოდებლის მოთხოვნა ანაზღაურების შესახებ შემსყიდველისადმი შესრულებული უნდა იყოს წერილობითი ფორმით, მომსახურების შესრულების შესახებ შესაბამისი დოკუმენტების დართვით.

**2.5.** მიმწოდებელი ვალდებულია შემსყიდველთან ერთად დააფიქსიროს შესრულებული მომსახურების ღირებულება.

**3. ხელშეკრულების ინსპექტირების პირობები**

**3.1.** ხელშეკრულების შესრულების შემსყიდველის მხიდან კონტროლს, შესრულებული მომსახურების წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმებას და ტექნიკურ ზედამხედველობას განახორციელებს ქ. ბათუმის მუნიციპალიტეტის მერის ადმინისტრაციის სპორტისა და ახალგაზრდობის განყოფილების უფროსი ია შალამბერიძე. შემსყიდველს უფლება აქვს ხელშეკრულების მოქმედების ნებისმიერ ეტაპზე და ნებისმიერ დროს ამ პუნქტით გათვალისწინებული

„შემსყიდველი“

(ხელმოწერა)

„მიმწოდებელი“

(ხელმოწერა)

უფლებამოსილება ინდივიდუალურ ადმინისტრაციულ-სამართლებრივი აქტით მიანიჭოს ქ. ბათუმის მერიის სხვა თანამშრომელს ან/და შესაბამისი ხელშეკრულების საფუძველზე ნებისმიერ სხვა პირს. შემსყიდველის ასეთი გადაწყვეტილება არ საჭიროებს მიმწოდებლის არც წინასწარ და არც შემდგომ თანხმობას და იგი ძალაში შედის შესაბამის ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით დადგენილი წესით;

**3.2.** ხელშეკრულების შესრულების შემსყიდველის მხიდან კონტროლის, შესრულებული მომსახურების წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმების და ტექნიკური ზედამხედველობის განხორციელების უფლებამოსილების 3.1. პუნქტის შესაბამისად შესაბამის ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით გათვალისწინებულ პირზე მინიჭების შემდეგ ასეთი უფლებამოსილების მინიჭებამდე შესრულებული მომსახურების კონტროლისა და ტექნიკური ზედამხედველობის განხორციელების შედეგები და გაფორმებული მიღება-ჩაბარების აქტები ინარჩუნებს იურიდიულ ძალას.

**3.3.** შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე მათ შორის მომსახურების ხარისხის პერიოდული ინსპექტირება.

**3.4.** მიმწოდებელი ვალდებულია საკუთარი რესურსებით უზრუნველყოს შემსყიდველი ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში თუ შემსყიდველი ინსპექტირების მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

**3.5.** მიმწოდებელი ვალდებულია საკუთარი ხარჯებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

#### **4. შესყიდვის ობიექტის მიღება-ჩაბარების წესი**

**4.1.** შემსყიდველმა უნდა შეამოწმოს შესრულებული მომსახურება ხელშეკრულების პირობებთან მიმართებაში.

**4.2.** თუ შესყიდვის ობიექტი არ შეესაბამება ხელშეკრულების პირობებს, შემსყიდველი მიმწოდებელთან ერთად ან მის გარეშე ადგენს აქტს დადგენილი წესის შესაბამისად.

**4.3.** გამოვლენილი დეფექტის ან ნაკლის აღმოფხვრასთან, ხელახლა ინსპექტირებასთან დაკავშირებულ ხარჯებს, ინსპექტირების შედეგად გამოვლენილი დეფექტის ან ნაკლის ღირებულების ანაზღაურება ეკისრება მიმწოდებელს.

**4.4.** შესყიდვის ობიექტის მიღება ფორმდება მიღება-ჩაბარების აქტით შემსყიდველისა და მიმწოდებლის უფლებამოსილი წარმომადგენლების ხელმოწერით. მომსახურება ჩაითვლება მიღებულად მიღება-ჩაბარების აქტის გაფორმებისა და ანგარიშ-ფაქტურის წარმოდგენის შემდეგ.

**4.5.** მომსახურება ჩაითვლება მიღებულად მხოლოდ ფაქტიურად გაწეული მომსახურების შემდეგ.

#### **5. მხარეთა უფლება-მოვალეობანი**

**5.1.** შემსყიდველი და მიმწოდებელი მოქმედებს 'სახელმწიფო შესყიდვების შესახებ' საქართველოს კანონის სრული დაცვით.

**5.2.** შემსყიდველი ვალდებულია:

ა) მიმწოდებელს წინასწარ გააცნოს ყველა იმ გარემოების შესახებ, რომელიც შეიძლება წარმოიშვას ხელშეკრულებით გათვალისწინებული მომსახურების შესრულებისას.

„შემსყიდველი“

(ხელმოწერა)

„მიმწოდებელი“

(ხელმოწერა)

ბ) მომსახურების შესრულების დამოწმებიდან 10 (ათი) სამუშაო დღის განმავლობაში მოახდინოს მიმწოდებელთან ანგარიშსწორება.

გ) მიმწოდებელს აუნაზღაუროს ამ ხელშეკრულებით გათვალისწინებული პირობებით სახელმწიფო შესყიდვის მომსახურების სრული ღირებულება, მომსახურების დასრულებისთანავე.

**5.3. შემსყიდველს უფლება აქვს:**

ა) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

ბ) საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

**5.4. მიმწოდებელი ვალდებულია:**

ა) დაიცვას ხელშეკრულებით გათვალისწინებული ყველა პირობა.

ბ) დააკმაყოფილოს შემსყიდველის მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით.

**5.5. მიმწოდებელს უფლება აქვს:**

ა) მოსთხოვოს შემსყიდველს მიწოდებული მომსახურების, შუალედური და საბოლოო ანაზღაურება ხელშეკრულებით გათვალისწინებული პირობებით.

## **6. ხელშეკრულების პირობების შეუსრულებლობა**

**6.1.** ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

## **7. ხელშეკრულებაში ცვლილებების შეტანა ან შეწყვეტა**

**7.1.** ხელშეკრულების დამდებ არცერთ მხარეს არა აქვს უფლება ცალმხრივად შეცვალოს ხელშეკრულების პირობები.

**7.2.** თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

**7.3.** ნებისმიერი ცვლილება რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

**7.4.** ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

**7.5.** მხარეს შეუძლია უარი თქვას ვალდებულების შესრულებაზე, თუ მეორე მხარე აშკარად არღვევს წინამდებარე ხელშეკრულებით განსაზღვრულ მოთხოვნას.

**7.6.** თუ ხელშეკრულების დადების შემდეგ აღმოჩნდება, რომ არსებობს რეალური საშიშროება იმისა, რომ მიმწოდებელი არ შეასრულებს თავის ვალდებულებას ჯეროვნად და კეთილსინდისიერად, შემსყიდველი უფლებამოსილია ვადაზე ადრე მოითხოვოს წინამდებარე ხელშეკრულების შეწყვეტა

**7.7.** წინამდებარე ხელშეკრულება შეიძლება შეწყდეს ვადაზე ადრე მხარეთა შეთანხმების საფუძველზე.

**7.8.** ხელშეკრულება შეიძლება შეწყდეს აგრეთვე საქართველოს სამოქალაქო კოდექსით გათვალისწინებული სხვა შემთხვევებში.

**7.9.** ერთ-ერთი მხარის ინიციატივით წინამდებარე ხელშეკრულების ვადაზე ადრე შეწყვეტის თაობაზე მეორე მხარეს უნდა ეცნობოს დაუყოვნებლივ.

„შემსყიდველი“

(ხელმოწერა)

„მიმწოდებელი“

(ხელმოწერა)

## 8. მომსახურების გაწევისა და ხელშეკრულების მოქმედების ვადები

8.1. მომსახურება უნდა განხორციელდეს 2017 წლის 15 ივნისიდან 2017 წლის 30 ივნისის ჩათვლით პერიოდში.

8.2. ხელშეკრულების მოქმედების ვადაა 2017 წლის 30 სექტემბრამდე პერიოდი.

## 9. ფორს-მაჟორული სიტუაციები

9.1. მხარეები არ არიან პასუხისმგებელნი თავიანთ ვალდებულებათა სრულად ან ნაწილობრივ შესრულებაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ექსპორტისა და იმპორტის აკრძალვა, თუ ისინი უშუალო ზემოქმედებას ახდენენ ხელშეკრულების შესრულებაზე.

9.2. ხელშეკრულების შესრულების ვადა გადაიწევეს შესაბამისი დროით, ფორს-მაჟორული გარემოებათა დასრულების შემდეგ.

9.3. მხარეს, რომელსაც შეექმნა ფორს-მაჟორული გარემოება, დაუყონებლივ უნდა აცნობოს წერილობით ამის შესახებ მეორე მხარეს. ამასთან მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

## 10. დავები და მათი გადაწყვეტის წესი

10.1. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

10.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხარეს შეუძლია დადგენილი წესით მიმართოს სასამართლოს, თუ ხელშეკრულების პირობებში სხვა რამ არ არის გათვალისწინებული.

## 11. გადასახადები და ზაფხები

მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე.

## 12. შეტყობინება

12.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

12.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღე-ბიდან რომელი უფრო გვიანდგება.

„შემსყიდველი“  
(ხელმოწერა)

„მიმწოდებელი“  
(ხელმოწერა)

### 13. სხვა პირობები

13.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

13.2. ხელშეკრულება ძალაში შედის, მხარეთა მიერ მისი ხელმოწერის მომენტიდან.

13.3. ხელშეკრულება იდება ორი ერთნაირი იურიდიული ძალის მქონე ეგზემპლარად, თითო ეგზემპლარი ინახება ხელშეკრულების დამდებ მხარეებთან.

#### მხარეთა რეკვიზიტები და ხელმოწერები

##### „შემსყიდველი“

ქ. ბათუმის მუნიციპალიტეტის მერია  
მის.: ქ. ბათუმი, ლუკა ასათიანის ქ. №25  
ს/კ 245576826;  
ბანკის დასახელება-სახელმწიფო ხაზინა  
ბ/კ: TRESGE22  
ანგ. №GE24NB0330100200165022  
ქ. ბათუმის მუნიციპალიტეტის მერის  
მოადგილე ალექსანდრე მითაიშვილი

##### „მიმწოდებელი“

ა(ა)იპ „აჭარის მასობრივი სპორტის  
ფედერაცია“  
საიდენტიფიკაციო კოდი 445384423  
მის: ბათუმი, აკაკი წერეთლის  
გამზირი #1 ბინა 29  
სს „საქართველოს ბანკი“  
ბ/კ: BAGAGE22  
ანგ. NGE61BG0000000623002000  
ტელ: 593947970  
ფედერაციის პრეზიდენტი  
ბადრი შამილაძე



„შემსყიდველი“

(ხელმოწერა)



„მიმწოდებელი“

(ხელმოწერა)

## ტექნიკური პირობები

### შესყიდვის ობიექტის მოცულობა:

ა) ქ. ბათუმში, კალათბურთში ვალერი ალთაბაევის თასზე საერთაშორისო ტურნირის ორგანიზება. შეჯიბრება ჩატარდება 18 წლამდე ასაკის ახალგაზრდებს შორის. ტურნირში მონაწილეობას მიიღებს არაუმცირეს 3 უცხოური გუნდი. გამარჯვებულები დაჯილდოვდებიან თასებით, მედლებითა და დიპლომებით. საუკეთესო ნომინაციებში გამოვლენილ სპორტსმენებს გადაეცემათ სპეციალური პრიზები.

### ტექნიკური პირობები:

#### მომწოდებელმა უნდა უზრუნველყოს:

1. საერთაშორისო ტურნირის ორგანიზება კალათბურთში ვალერი ალთაბაევის თასზე 15 ივნისიდან 30 ივნისამდე ჩათვლით პერიოდში, აჭარის კალათბურთის ფედერაციასთან შეთანხმებით. ტურნირში ოთხი კვალიფიციური ჭაბუკთა ნაკრები გუნდის მოწვევა, აქედან არაუმცირეს სამი უცხოური გუნდისა;
2. სპორტის ამ სახეობისათვის განკუთვნილი სპეციალური ინვენტარით აღჭურვილი დარბაზით მომსახურების უზრუნველყოფა, რომელიც დააკმაყოფილებს საერთაშორისო ტურნირის მოთხოვნებს (3 დღე);
3. ტურნირში მონაწილეთა დროული ინფორმირება და მოწვევა;
4. საქართველოს კალათბურთის ფედერაციის წარმომადგენლის (1 კაცი) და ვალერი ალთაბაევის ოჯახის წევრების (2 კაცი) მგზავრობის უზრუნველყოფა (თბილისი-ბათუმი- თბილისი);
5. საქართველოს კალათბურთის ფედერაციის წარმომადგენლის (1 კაცი) და ვალერი ალთაბაევის ოჯახის წევრების (2 კაცი) მაღალი კალასის სასტუმროთი მომსახურების უზრუნველყოფა, დარბაზის მიმდებარე ტერიტორიაზე. სასტუმროს თითოეული ნომერი უზრუნველყოფილი უნდა იყოს სველი წერტილითა და გათბობა-კონდიციონერების სისტემით. მომწოდებელი ვალდებულია უზრუნველყოს მომსახურების გაწევა სამჯერადი კვების სრული პაკეტით (საუზმე,სადილი, ვახშამი) 3 პრსონაზე, ოთხი დღის განმავლობაში შემსყიდველთან შეთანხმებით.
6. მოწვეული გუნდების წარმომადგენელთა (კაცი 42) განთავსება საშუალო კლასის სასტუმროში.სასტუმრო უნდა მდებარეობდეს ქ. ბათუმის ადმინისტრაციულ ტერიტორიაზე, ცენტრალურ ნაწილში. სასტუმრო უნდა იყოს მინიმუმ 25 ნომრიანი. 18 ნომერი უნდა იყოს ორ ადგილიანი, ხოლო 6 ნომერი ერთ ადგილიანი. თითოეული ნომერი უზრუნველყოფილი უნდა იყოს სველი წერტილითა და გათბობა-კონდიციონერების სისტემით. მომწოდებელი ვალდებულია უზრუნველყოს მომსახურების გაწევა სამჯერადი კვების სრული პაკეტით (საუზმე,სადილი, ვახშამი) 42 პრსონაზე, ოთხი დღის განმავლობაში შემსყიდველთან შეთანხმებით.
7. ადგილობრივი გუნდის წევრების (14 პერსონა), კვებით უზრუნველყოფა დღეში ერთხელ, სამი დღე (მენიუ შემსყიდველთან შეთანხმებით);
8. მოწვეული მსაჯეების (კაცი 2) მაღალი კალასის სასტუმროთი მომსახურების უზრუნველყოფა; სასტუმრო უნდა მდებარეობდეს ქ. ბათუმის ადმინისტრაციულ ტერიტორიაზე, ცენტრალურ ნაწილში, თითოეული ნომერი უზრუნველყოფილი უნდა იყოს სველი წერტილითა და გათბობა-კონდიციონერების სისტემით. მომწოდებელი ვალდებულია უზრუნველყოს მომსახურების გაწევა სამჯერადი კვების სრული პაკეტით (საუზმე,სადილი, ვახშამი) 2 პრსონაზე, ოთხი დღის განმავლობაში შემსყიდველთან შეთანხმებით;
9. ტურნირზე საქართველოს კალათბურთის ფედერაციის მიერ სერთიფიცირებული, მაღალი კვალიფიკაციის მქონე მოწვეული მსაჯეების მომსახურების უზრუნველყოფა (2 მსაჯი, ჰონორარი ექვსი თამაშის);
10. ტურნირზე საქართველოს კალათბურთის ფედერაციის მიერ სერთიფიცირებული მაღალი კვალიფიკაციის მქონე ადგილობრივი მსაჯეების მომსახურების უზრუნველყოფა (4 მსაჯი, ჰონორარი

„შემსყიდველი“


(ხელმოწერა)

„მომწოდებელი“

(ხელმოწერა)

ექვსი თამაშის);

11. ტურნირის მიმდინარეობისას შესაბამისი კვალიფიკაციის მქონე სამედიცინო პერსონალით მომსახურების უზრუნველყოფა, 1 კაცი, 3 დღე;
  12. I ადგილზე გასული გუნდის დაჯილდოება თასით (ძირი გრანიტის, ზედა ნაწილი მეტალის, ოქროსფერი, ზომა არაუმცირეს 50 სმ);
  13. I, II და III ადგილზე გასული გუნდების მონაწილეთა (42 კაცი) დაჯილდოება მედლებით (მასალა მეტალი, ოქროსფერი);
  14. მონაწილეთა დიპლომით დაჯილდოება (მასალა ტილოს ქაღალდი ოთხ ფერში, A4 ფორმატი, ლამინირებული);
  15. საუკეთესო ხუთეულის დაჯილდოება სპეციალური პრიზებით (ჯილდო სადგამით 5 ცალი, ქალაქ ბათუმის მუნიციპალიტეტის მერიის სიმბოლიკითა და ტურნირის ლოგოს გამოსახულებით, ზომა არაუმცირეს 12/16 სმ);
  16. მაღალი ხარისხის საინფორმაციო აფიშების (ოთხ ფერში, A2 ფორმატი) დაბეჭდვაგანთავსება (ცალი 20);
  17. ტურნირის მომსახურების უზრუნველყოფა გახმოვანების აპარატურით, არანაკლებ 2 კვ. სიმძლავრის უკაბელო აპარატურით, 3 დღე;
  18. ტურნირის მომსახურების უზრუნველყოფა წამყვანით (თამაშის მიმდინარეობის დროს კომენტარებისა დამონაწილე სპორტსმენების გამოცხადება ქართულ და რუსულ ენაზე, 1 კაცი, 3 დღე);
  19. ტურნირის მონაწილეთა ტრანსპორტით მომსახურება მიკროავტობუსით შიდა გადაადგილებისათვის (მაღალი კლასის ერთი მიკროავტობუსი არაუმცირეს 20 ადგილიანი, კონდიციონერებით), ოთხი დღე;
  20. საზეიმო ბანკეტი ტურნირის დასრულებისას 25 პერსონაზე (ბანკეტის ორგანიზება ქ. ბათუმში, ზღვისპირა პარკის მიმდებარე ტერიტორიაზე, საზოგადოებრივ კვების ობიექტში, შემსყიდველთან შეთანხმებით. დარბაზის შიდა და გარე ინტერიერი უნდა აკმაყოფილებდეს თანამედროვე მოთხოვნებს, კვების პროდუქტები და სასმელები უნდა შეესაბამებოდეს სახელმწიფოს მიერ დადგენილ სურსათისა და კვების უვნებლობის შესაბამის სტანდარტებს; საზეიმო ბანკეტის მენიუ ღონისძიების დროს შეიძლება შეცვლილი იქნეს, დაზუსტდეს შემსყიდველთან შეთანხმებით;
  21. ღონისძიების მიმდინარეობის ფოტო-ვიდეო მასალის გადაღებისა და შემსყიდველი ორგანიზაციისადმი მიწოდების უზრუნველყოფა;
- ტურნირის ადმინისტრირება უნდა განხორციელდეს შემსყიდველი ორგანიზაციის შესაბამის სამსახურთან ერთად. აუცილებელია ტექნიკური პირობების ყველა მოთხოვნის შეთანხმება შემსყიდველ ორგანიზაციასთან, ასევე გამარჯვებულმა მიმწოდებელმა შემსყიდველთან შეთანხმებით, ხელშეკრულების გაფორმების შემდეგ უნდა წარმოადგინოს ტურნირის დებულება.



ფასების ცხრილი

| N        | მომსახურების დასახელება                                                                                  | განზომილების<br>ერთეული,<br>რაოდენობა |    | ფასი (ლარი) | საერთო ფასი<br>(ლარი) |
|----------|----------------------------------------------------------------------------------------------------------|---------------------------------------|----|-------------|-----------------------|
| 1        | საქართველოს კალათბურთის ფედერაციის წარმომადგენლისა და ალთაბაევის ოჯახის წევრების სასტუმროთი უზრუნველყოფა | კაცი                                  | 3  | 240         | 720.00                |
| 2        | საქართველოს კალათბურთის ფედერაციის წარმომადგენლისა და ალთაბაევის ოჯახის წევრების მგზავრობის უზრუნველყოფა | კაცი                                  | 3  | 150         | 450.00                |
| 3        | მოწვეული გუნდების წარმომადგენელთა სასტუმროთი უზრუნველყოფა                                                | კაცი                                  | 42 | 280         | 11760.00              |
| 4        | ადგილობრივი გუნდის წევრების კვებით უზრუნველყოფა                                                          | კაცი                                  | 14 | 60          | 840.00                |
| 5        | მოწვეული მსაჯების სასტუმროთი უზრუნველყოფა                                                                | კაცი                                  | 2  | 320         | 640.00                |
| 6        | მოწვეული მსაჯების მომსახურების უზრუნველყოფა                                                              | კაცი                                  | 2  | 150         | 300.00                |
| 7        | ადგილობრივი მსაჯების მომსახურების უზრუნველყოფა                                                           | კაცი                                  | 4  | 150         | 600.00                |
| 8        | სამედიცინო პერსონალით მომსახურების უზრუნველყოფა                                                          | კაცი                                  | 1  | 90          | 90.00                 |
| 9        | თასი გამარჯვებული გუნდისთვის                                                                             | ცალი                                  | 1  | 70          | 70.00                 |
| 10       | დიპლომი                                                                                                  | ცალი                                  | 50 | 2           | 100.00                |
| 11       | სპეციალური პრიზები საუკეთესო ხუთეულს                                                                     | ცალი                                  | 5  | 150         | 750.00                |
| 12       | მედალი                                                                                                   | ცალი                                  | 42 | 5           | 210.00                |
| 13       | აფიშა                                                                                                    | ცალი                                  | 20 | 6           | 120.00                |
| 14       | ტურნირის მომსახურების უზრუნველყოფა გახმოვანების აპარატურით                                               | ცალი                                  | 1  | 250         | 250.00                |
| 15       | სპორტული დარბაზის იჯარა                                                                                  | ცალი                                  | 1  | 1000        | 1000.00               |
| 16       | წამყვანის მომსახურება                                                                                    | კაცი                                  | 1  | 150         | 150.00                |
| 17       | მონაწილეთა ტრანსპორტით მომსახურება შიდა გადაადგილებისათვის                                               | ცალი                                  | 1  | 500         | 500.00                |
| 18       | ბანკეტის ორგანიზების უზრუნველყოფა                                                                        | კაცი                                  | 25 | 50          | 1250.00               |
| 19       | ლონისძიების მიმდინარეობის ფოტო-ვიდეო მასალის გადაღება                                                    | ცალი                                  | 1  | 200         | 200.00                |
| სულ ჯამი |                                                                                                          |                                       |    |             | 20000,00              |

„შემსყიდველი“  
(ხელმოწერა)

„მიმწოდებელი“  
(ხელმოწერა)

საზეიმო ბანკეტის მენიუ

| N  | დასახელება                               | რაოდენობა | შენიშვნა |
|----|------------------------------------------|-----------|----------|
| 1  | ყველის ასორტი                            | 50 გრ     |          |
| 2  | ბადრიჯანი                                | 40 გრ     |          |
| 3  | კიტრი და პომიდორი                        | 50 გრ     |          |
| 4  | ზეთისხილი                                | 30 გრ     |          |
| 5  | ბლინი (ხორციტ)                           | 50 გრ     |          |
| 6  | წიწილა                                   | 100 გრ    |          |
| 7  | ჩაშუშული                                 | 40 გრ     |          |
| 8  | კუჭმაჭი (ხბოს)                           | 40 გრ     |          |
| 9  | გოჭის ხორცი                              | 100 გრ    |          |
| 10 | სალათა (ქათმის)                          | 50 გრ     |          |
| 11 | სოკო                                     | 40 გრ     |          |
| 12 | პური                                     | 150 გრ    |          |
| 13 | საწებელი                                 | 30 გრ     |          |
| 14 | ბაჟე                                     | 40 გრ     |          |
| 15 | თევზი                                    | 50 გრ     |          |
| 16 | ოჯახური                                  | 100 გრ    |          |
| 17 | მწვადი (ღორის)                           | 50 გრ     |          |
| 18 | მწვადი (ხბოს)                            | 50 გრ     |          |
| 19 | ოსტრი                                    | 100 გრ    |          |
| 20 | ელარჯი                                   | 200 გრ    |          |
| 21 | ქაბაბი                                   | 50 გრ     |          |
| 22 | მჭადი                                    | 50 გრ     |          |
| 23 | მწვანილი                                 | 40 გრ     |          |
| 24 | ხაჭაპური                                 | 100 გრ    |          |
| 25 | ხილის ასორტი                             | 150 გრ    |          |
| 26 | ნამცხვრის ასორტი                         | 100 გრ    |          |
| 27 | მინერალური და გამაგრილებელი<br>სასმელები | 0,5 ლიტრი |          |
| 28 | ნატურალური წვენი                         | 200 გრ    |          |
| 29 | ყავა                                     | 100 გრ    |          |
| 30 | ღვინო                                    | 700 გრ    |          |
| 31 | არაყი                                    | 150 გრ    |          |
| 32 | შოკოლადის ასორტი                         | 100 გრ    |          |

„მემსყიდველი“  
(ხელმოწერა)

„მიმწოდებელი“  
(ხელმოწერა)